



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

6. Cur fulmina dicantur, ignes Dei?

**urn:nbn:de:hbz:466:1-45686**

Psal. 59. 6.

gerat, ut fugiant à facie arcus peccatores, quos mauult metu, quām  
pœnis coercere. Quod si illi differunt, si nauigationem prorogant,  
& cum Acessao, lunam magis opportunam expectant, tardantque  
conuerti ad Dominum, & implent mensuram scelerum; tunc co-  
rusca tela, diu librata & rotata, mittit, in contumaces, aut eos,  
quorum Tartaro digna facinora, omni contumaciâ, sunt detesta-  
bilia.

Jid VII

Tametsi enim fulmina, non Cyclopum manibus, sed in nube,

Vide Lucret.  
lib. 6.  
Iob. 1. 16.

ipsius naturæ industria, ad terram concutiendam, agrōsq; fertilio-  
res faciendo, aliōsq; usus fabricantur; censemur tamen meritò, è  
cœli armamentarijs promi. Vnde & *ignis Dei* appellantur; quia hic  
ignis est non solum à Deo, vt cæteri ignes, sed etiā, quia de cœlo, &

Psal. 49. 4.

quia potentissimus, penetrantissimus, velocissimus, & maximè for-  
midandus. Sæpe enim his armis vtitur Devs, ad hostes suos subi-

Sur. Tom. 5.  
die 13. Septemb.

gendos. Siquidem, si insolentes fuerint, *aduocabit cœlum desursum:*

Dan. 3. 48.

*& terram discernere populum suum. Et annuntiabunt cœli justitiam*

*eius: quoniam Deus judex est.* Sicut fuit, quando D. Maurilius fa-

num diuersis idolorum cultibus dedicatum, nō procul Andegauo,  
videns, humanâ vi, excindi non posse, oratione impetrauit, vt, igne

de cœlo labente, quidquid simulachrorum, & immūditia ibi erat,  
momento temporis absumeretur. Tres pueros *non retigit omnino*

*ignis; qui tamen incendit, quos reperit juxta fornacem.* Quod prodi-

gium renouatum est, in Iphigenia Ægippi AEthiopum Regis filia.

Ea, D. Matthæi Apostoli colloquio, Christianorum numero addi-

ta, cum Christo virginitatem voulset, & iam, constructo cœnobio,  
multis virginibns Deo pariter dicatis præsset, neque minis, neque

blanditijs moueri potuit, vt Hirtacum paterni regni successorem  
acciperet maritum, æterni Regis se esse sponsam dicens, nec licere

sibi, illo relicto, alteri nubere. Hirtacus, amore in furorem verso,

Iphigeniam, cum toto cœtu, adeoq; etiam cum ipso monasterio,  
cōcremari jussit. Admoto igne, flamma virginalis pudicitia vltrix

inde se auertens, in regiam prosilit, quam, Hirtaco, cum vnico fi-

lio, vix euidente, funditus consumpsit. Hirtacum morbi impatiens,

filium Hirtaci diabolus infessor interemit. Ita calido se, suōsq;

elemento defendit Devs, dum libidine astuantes hostes vltus est,

*in quos flammam reflauit.* Quid habet hic Momus, quid nasum

corrugat

corrugat Aristarchus? an, si ipse Deo Conditori rebellat, vult, ut ei etiam elementa non seruant? Num adhuc ignem accusat, quia Satyro barbam aufert, eum intemperanter & stolidè ad osculum applicanti? At stipitem & stipulam laedit, aurum non laedit, sed ostendit esse aurum, quod spectabilius facit. Quemadmodum enim fulmen, & ferit reos, & defendit innocuos; ita & ignis reliquus est, velut anceps gladius, ad offendendum & defendendum utrinque factus. Laurentios, Vincentios, Apollonias & Afras illustrat Cræsus, & Didones in fumum soluit.

Nobili loco natus adolescens, Spoletanus, cui Pontiano nomen fuit, Antonino Imperatore, Fabiano praeside, varijs modis, ad Christum abnegandum, tentatus & cruciatus, antè, quam idolis thura offerret, seipsum ignibus obtulit. Ardentissimis igitur prunis inambulare adactus, ita fertur Fabianum allocutus: *Ecce, in nomine Christi, Dei mei, illæsus prunas tuas, ac veluti rosas calco. Tu, si Scauola es, vel in aquam feruentem manum tuam impone, & experire, num te Deus tuus Iuppiter sit, à dolore ac lefione liberaturus.* Vlssit hoc dictum tyranni superbiam, quæ furiosè inflammata, vim omnem in Martyrem effudit, jussitque eum, equuleo distentum, vngulis ferreis, toto corpore, dilacerari. Sed, vt videoas, Deo, Deique seruis, omnes creaturas famulari, carnifices prius, quam Martyris constantia, sunt fatigati. Quin innocens eius caro, vti à peccato, ita & à ferro integra permansit. Et, quod mireris, dum castissimum eius corpus, velut æneum lacerari non potuit, ipsa è ferro fabricata instrumenta, fracta fuerunt, ac dilacerata. Potuissest vti que etiam ipsum ferreum iniqui Iudicis pectus frangi, nisi crudelitas adamantina esset, atque omnem duritiem ferri superaret, & giganteo fastu, cum ipsa Numinis omnipotentia certaret. Projectus est ergo Pontianus in obscurissimi carceris tenebras; sed adfuere Angeli, qui, diuina luce caliginem dispulerunt. Producitur iterum, & leonibus obijcitur repulandus. Sed & hæ belluae, quantumvis fame rabidae, Martyri pepercunt, imò circumvolutatae, non dubiè blandientes feritatem posuerunt. Retrahitur in vincula Pontianus, & viginti duos dies noctesque, absque cibo potuque, relictus, ostendit hominem, non in solo pane, vivere. Cantans igitur ac Deum Matth. 4. 4: laudans repertus, in lecticam ferream astrictus, subiectoque vehe-

VII.  
Ferrarius 19.  
Ian.

C 3 menti